


# مکرمہ فیہ التخیل

ادبی و سیاسی رسالہ اسبوعیہ در

۳۰ نجی سنہ



۲۲ شعبان المعظم ۱۳۲۹

پنجشنبہ

جزء عدد : ۱۰۹

مقری کوی ۲۵ کانون اول ۱۹۸۴

مقامہ توقیفیہ (۱)

( انسان ایچون معیشت اجتماعیہ تک  
علت غائیہ سی تعرشدن مضمون اولقدر . )  
کمال

ہر حادثہ آن وقوعندہ کی اہمیتی آردن بر زمان مرورندہ زائل ایتمک  
طبیعی گبی کورینور ایسہدہ بن . حکایہ ایدہ جگم وقعیہ نفسیہ تعلق جہتیلہ  
اشای جریانسدہ کی جسملہ یازدلیغی تأمین ایدرم .

(۱) بومقامہ، زلزله عظمی سنہ سی موقتاً آیاستفانوسدہ اقامہ صرمدہ یکیردیکم بر سرگذشتی  
ناظقدہ . اوتاریخندہ بونی ۱۲ نسخہ اولہرق لایحہ شکندہ باصمش و بر نسخہ سنی صدر اعظمہ  
الیوم آبدین والیسی و اوزمان ضبطیہ ناظری اولان ناظم پاشا حضرتلرینہ و بر نسخہ سنی دہ  
پازسدہ احمد رضا و مراد و علی کمال بکارہ گوندرمشدم . بوم بر سرگذشت، ہم دہ دور  
سابق احوالہ عائد بر وثیقہ حقیقت اولدیفیچون دائرۂ انتشاری مجموعہ ملہ توسیم اہمک  
ایستہدم .

افرنجی ایلولک یگر می بشنجی صالی کونی ایدی . اوگون معتادم وجهله  
اوگله طعمای ایچون بک اوغلنه یانینک بیرا خانه سنه کتمک اوزره مطبعه مدن  
جیمش ایدم . تونلک مدخلنه موازی سوقاغک کوشه سنه تقریمده گوزمه  
برلکارده طبله سی ایلشدی . هرکون یدگمز آفرانه یمکاردن اوصاعش اولقله  
برابر . مملکتزک الک کوزل بر (رستورانی) اولان یانی یمگتمکدن بردرلو کندمی  
آلام . چونکه بوره ستوران بزم کیلری دوام ایتدیره جک بر جوق اسباب انتظام  
ونفاسقی جامعدر . حتی بوندن بش آلتی سنه اول اورایه کتتامکلم حقتده  
سرقرنا حاجی علی بک واسطه سیله براراده تلقی اتمش وقط غلطه دن بک اوغلنه قدر  
هرکون شد رحل ایدشمه سبب . مجرد کتدیگم محلک عزت نفسی تطیب  
ایده بیله جک وسائلی جامع اولمقانی اولدینندن . نه زمان آندن اعلا بر لوقانطه  
یایلور ایسه اوراسنی اوزمان ترک ایده جگم جوابی ویرمک دوامده ثبات  
ایلش ایدم .

قارنم اوقدر آجیقمامش ایدی . فقط اوگله وقتده لوقانطه ده بولمق ، هر حالده  
اعتیاد ایتدیگم انتظامدن نشأت ایتدیگی و باخصوص اکثر احبا و هله صقیبه ده  
بولندقلرندن طولانی کوندوزلری بک اوغلنه اینان رجال ونسواندن برخیلی کبرا  
تام وقت ظهرده گلدکلرندن ، لوقانطه ناک الکیو جیولی زمان اوزمان و هله  
بزم کی منفرداً یمک یمکه مجبور اولاندله کوره شکم پرورانک گرمی تام ایله دفع  
جوعه اولان تهالکلرندن دعوت اشته داخل امکان اولدینی ایچون اوساعتده  
لوقانطه ده اثبات وجود ، بنجه برطیعت ثانیه حکمنی آشدر . فقط اوگون لکارده یی  
کورمکلکم بکا تحویل نیت ایتدیردی . براز اوتده بورسه خانینک قبوسنده دها  
اعلاسی بوانه جغنی بیلدیگمدن اورایه کتدم . و تخمینم کی الک اعلاسنی بوله رق  
بر مقدار لکارده کسیدردیگم کی یارم اوقده او ایچون آلم . و تکرار  
مطبعه ده دونه رک براز زیتون یاغی ایله لیون کتوردرک بر اعلا اوگله طعمای  
ایتمش ایدم .

اشته ایله براز زیاده جه یمش اولدیم طوزلی بالغک تأثیریه . بک طاتلی

بر او یقو باصدی . قنایه اوزانوب یاتشم . اوباندیغم وقت بشه چاریک وار ایدی . تقریباً اوج بحق ساعت او یومشم . در حال یوزیمی ییقام . و بش بحق قطارینه ییشمک اوزره علی الجمله سو قاعه فرلادم .

آقشاملری دایما محمد علی پاشا خانیک ریختندن سنداله یینه رک سرکه چی به یکمک معتادم اولدیغندن . بوگون دخی عزیزیه قره قولی اتصائلده کی قبولدن ایجرو کردم . دگیز جهته صابه جغم صرمده بر آدم یانعه تقربله :- ابوالضیا توفیق بك افندی ذات عالیبرمدر ؟ - سؤالنده بولندی .

بالطبع توقف ایتم . و سألله - اوت بنم ! نه استرسگیز ؟ دیدم . - ذات عالیبرنی کورمک استرم . جوانی و یردی . بنده - ایشته گوردگیز . فقط زیاده طورمغه و قتمک مساعدسی یوقدر . مطبیه متعلق بر ایشگیز وار ایسه یارین گله بیلورسگیز . یاخود در حال سویلیه جک بر سوز ایسه همان سویلیک ! دیدم . بومقالله اوزرینه - ذات عالیگیزله دولخانهیه قدر کتمک استرم . جوانی و یردی اوزمان دیدم که - بز موقتاً آیاستفانوسده کوچک برأوده اوتورمقدمیز . بناءً علیه مسافر قبولنه امکان یوقدر . باخصوص برنجی دفعه کوردیگم بر آدمی یرم مساعد اولسهده قبول ایدم .

نزاکت معروفیه موافق دوشیمان بوسوزی . فصل تأثیر ایده جگنی کورمک مقصدیله ، مخ طبعک یوزینه باقمرق سویلش ایدم . چونکه اوزمانه قدر اهمیت و یروده یوزینه باقامش ایدم . او آنده مشهودم اولان چهره ایسه بگا فوق الغایه فقرت آور کورندی . چهره ایله برابر قیافتی ده نظر دقتدن آیرمدم . قهوه رنگی بر ( پاردسو ) گیشش . مؤدبانه کوکسنی ایلکله مش ، وسط القامه . ضعیفجه سیرک و قاره صقاللی بر شخص . فقط چهره علم سیما اربابنک خواص متضاده ایچون تخصیص ایتدیگی علامتک بر چوغنی جامع ایدی . کوزلر جزوئیجه یوقارویه طوغری مانلاً مشقوق . قرصلر قره و فرل فرل دونمکده ایدی که بو حال خوف و دسیسه دن ایکسینده دال ایسهده قوتیجه هانگی خاصه نك دیگرینه غالب اولدیغی صاحبنک احوال خصوصیه سنه تمامیه واقف اولمیجه و هله تعیین ایدیله مز .

بورتی اوجنه طوغری دوم دوز ایندکدن صکره قسم سفلیسندنه قبارمش و بورون  
 دلیکلرینی شیشرمش کبی یووارلق بر شکل آلمش اولدیغندن ، سناسینی غریب  
 بر صورتده اخلال ایتمش ایدی . دوداقلری اولدقجه ایری . و آغزی شقاقلرینه  
 طوغری عریض بر شق تشکیل ایلش و آلت دوداغی فك اسفانه طوغری بللی  
 اوله جق صورتده صارقش و هله دیشلرک طولی و لغردی سولدیگی زمان آغزینک  
 هیئت عمویمه سی صاحبک خصلت . . . . . حاز اولدیغنه دلالت ایتمکده  
 بولنش ایدی . لون سیما ایسه ( بورک لقا ) وصف مشهورینه تمایله موافق ایدی .  
 \* بن بوسوزی سویلر سویلر چهره سی ته ورله قازیشق بر ریشخند حاصل  
 ایتمکله برابر - بنده گز پولیس مدیری . . . . افندی یم . بیوردیلر بن ایسه قطعا  
 طورمی بوزمهرق :- دیمک که تحریات اجراسنه مأمورسکیز . دیدم . اوت جوابی  
 ویرنجه - اوحالده بیورک ، دهرک هراقشام بندیکم صنداله آتلادم . کندوسی ده  
 بنی متعاقب کیردیگندن صندال آجلدی . فقط او آنده خاطریمه برشی گلدیگندن  
 صندالچیره تکرار اسکله به بناشملرینی امر ایتم و پولیس مدیرینه ده : احتمالکه  
 بوترنی قاجیر برز . مع مافیه سنزکله مطبعیه کتمککلگم لابدر . دیدم ، و استر استمز  
 بگا اتباع ایده جگنی بیلدیگم ایچون بورسه خانی ایچروسندن مطبعیه طوغری  
 یوریمکه باشلدم . یولده سببی سؤال ایتمسبله - او طهم آجیق . اوراق میدانده در .  
 اوده کی کاغذلری کچه تدقیق ایتمک قابل ایسه ده ، بونلری درحال کوزدن  
 کچورمک ممکنی اوله ماز . بن ایسه شو حالده تحت ضابطه ده بولندیغم ایچون  
 هر درلو احتمالاته قارشی کیدوب او طهمی مهرملی یم . چونکه اومده تحریات  
 اجراسنی اقتضا ایتمدیرمک اسنادانده بولنانلرک بو حالدن استفاده ایدوب تأیید  
 مدعا ایچون گار گاهمه بعض اوراق القا ایتملری ده مستبعد دگلدر . جوابی ویردم .  
 مطبعیه وصولزده هنوز عمله طبع مشغول ایدی . او طهمله او طهمک بولندیغم  
 داره نک قبولرینی قیادوب آنختار دلیکنده پولیس مدیرینک مهرینی باصدیردم .  
 و مطبعیه کیره . بن حاضر اولدقجه هرکیم گورسه گلسون ، قبولری آجدر ماملرینی  
 تنبیه ایلدم .

ساعته باقدیمده بش بحق ترسه بر چاریك قدر وقت قالمش ایدی . آرتق  
صندال ایله يتشمك قابل اولهمیه جنی ایچون بانقك اوگنده کی آچیق عربهلردن  
برینه صجرا یوب اون دقیقه قدر بزی سرکه جی غارینه ایصال ایتسنی نئیه ایله  
عربهلرک انه بر مجیدیه ویردم . طقوز دقیقه صکرده کندومزی غارک نردبانلرند  
بولدق . افندی بنم یاره ویردیگمی یاگورمامش ویاخود توقیفم یولنده ضابطه نك  
اختیار ایتدیگی مصارفی (۹) براز قبارتمق استمش اولمیدرکه اتی جینه صوقوب  
جیقاردینی ایکی مجیدیه چاریکنی عربهلرکیه اوزاتمش ایدی . عربهلرکی ایسه . - بك  
آتی بگا دها غلطده بینرکن ویردی . - سوزینی سوبلنگله برابر بارگهرله عودت  
مانورسنی اجرا ایندیرمك ایچون تربیه لری صول طرفه قاصقله بر نصف داره  
چویردکن صکره قرباجنی شاقلامش ایدی .

غاردن ایچری کیردیگمزدہ آبستفانوس یولجیلردن اکثریسی موجود ایدی .  
بن ایسه در حال بر قدح بیرا طولدرملرینی بوفیه امر ایله خللاره طوغری یوردیم .  
پولیس مدیری افندی ایسه معینده کی ( ویلیس ) اسمنده کی پولیس خفیه سی ایچون  
بیلک آلوب آلاماق لزومی دوشمنکده ایدی . بن آنلرک بومدا کرملردن  
استفاده ایله جیمده بولنان بر منظومه هزلیه یی آبدستخانه لرك بولملری اوزرنده کی  
رافلردن برینه براقدم . بومنظومه بنی اتهام ایدمك شیلردن دگلدی . فقط  
سعید بگك بر قطعہ سی . اکرم بك طرفدن هزلا نظیر ایدلمش و بر قاج کون  
اول سعید بگك کرک اصلنی و کرک نظیره هزلیه یی و کندوسی ده بو نظیره یی  
ینه صاحب مناظره یولنده نظیر ایدرک هر اوجنی ده بگا ویرمش ایدی . بناء علیه  
یوقدن مسئله ایلادینه ساعی اولان مخلوقات ضابطه ایله حساسنی ممکن اولدینی  
قدر سرعتله کسمك ملتزمی اولان بر آدمك . بشقه لرینی ورطه استجوابه دوشورمامك  
ایچون . بویله بر احتیاطده بولغسی طبیعی ایدی .

صالونه عودتمده بیرامی ایچدم . افندی حالا بیلک آلوب آلاماق مسئله سیله  
مشغول . یاننده کی ( ویلیس ) که بر سنه اولنه قدر شمندوفر مأمورلردن ایدی .

خفیه لکله نسبت قبول ایتمه چک مرتبه لرده ناموسکارانه اولان او خدمتی ترک ایله پولیسسه انتساب ایلمش اولدینغی او کون او کر ندیکمدن کندیغک تحت ضابطه ده اوله رق بیتوتسگاهمه کیدیشمدن زیاده آنک اختیار ایتمدیگی خدمت ردیندن طولانی فوق الغایه جانم صقلمش ایدی . خدمت فاخره حاضره سنی بنم او کون او کر نیشم کبی کندوسنی رفقای قدیمه سنه دخی تشهر ایتمگله انتقام ایلمک آرزو ایلدیکمدن و باخصوص افدینک مأموریتی دخی علانیه جیقارمق خوش دوشه جگندن ، کندوسنه قهرله دیدم که : بیلت آلمغه نه لزوم وار . البته زدکزده نامکزده محور بر قارت و او قارنده ده بعض معیت مأموری استحصانه مساعده واردر . بیلت استدکاری وقت قوندو کتوره سویلر سگیز . افدی ظاهر اظهار احتشامی اخفای وظیفیه ترجیح ایتمش اولمیدر که بو رأیی بمنوینتله قبول ایلدی . بو آرمق ایکنجی چاک دخی چالغمله ایچنده یولجی اولمیان برنجی قومبارتمانلردن برینه آتلادق . بر آرز صکره قوندو قورتورلردن بری گلوب بنم ییلمتی زنبالدینی صرمده افندی ده حازر اولدینی یاصوبی جیقاردی . قوندو قورتور قارنده کی اوصاف محررینی اوقوقدن صکره معنیدار صورتده بگا باقدی . وگویا لسان حالیه ( الحذر ! همنشینکیز اولان ذات هر نه قدر کسوه معتاده ارباب ناموس ایله ملبس ایسه ده پک یمان بر صفتی حازر ! اوصفت که اقتضا ایدنجه صاحبی هر درلو حسیات انسانیه دن تجرید ایله عیبتی بیله اوتاندره جق افعاله سوق ایدر . یعنی بر ضابطه مأموریدر . ) دیمک ایستیوردی . بن ایسه بر کوز قهرق بیلدیکمی افهام ایتم .

پولیس مدیری قوندو قورتوره خطاباً - باقسکه چوجغم ! بمله برابر بر مأمور واردر . غالباً او چنجی یه گیرمش اولمی . بیقلی ، هازی افدی اسمنده در . اوده بو قارته داخلدر . دیمه سیله ، بن قوندو قورتوره - افندی آنک اسمنی هازی ظن ایدیور . شو معهود سنزک ویلیمسی سونلک ایستیورلر . او شمعی پولیس سقریه داخل اولمش . دیدم . اسویچرمی اولدینی حیثیتله حد ذاتنده اعتر موهوبات فطرت اولان حریتک آغوش آزادیسنده پرورده اولمش بولنان بو قوندو کتور ، انگیزلک طاسلمیان بر آدمک شمندوفر خدمتدن پولیس مزبله سنه تکر لشمسنه

بردرلو احتمال ویرمديگي ايجون، شاشقين شاشقين يوزيمه باقمه باشلدى. بن تکرار اوت ! ويلميس شمدي بويله ايمش ديدم .

ترن دودوگني اوتدبره رك چانلادی به طوغری یول آلبوردی . پولیس مدیری افندی برنایه قدر تردددن صکره - عفو بیورمگزی رجا ایله برابر . بر تکلیفم وار! بیوردیلر .

بن استغفرالله امرایدرسگزر .

افندی - اوزرگزنده کی اوراقی بنده گزه تسلیم بیورمگزی رجا ایده جکم .  
 بن - بونی بنده گزه . خلیه گتمدن اول تکلیف بیورمایدگزر . مع مافیه سزی تأمین ایدرم که ايجندن مهم برشی چیقارمدم . قوليله قویغنده کی اوراق جزداتی تسلیم ایلدم . فقط او سوزم . یعنی خلیه گیدوب چیقشم افندیگن خیلیدن خیلی معدنه سنی بولاندرمش اولمایدرکه بالاده تعریف ایلدیگم لقالری بوبرك لوسدن قرمچکر قدر مورمسی بررنکه تحویل ایلدی . صکرده المده کی یاكتك ایینی چوزمرك بوده یارم اوقه ( لکارده ) در . اوغلم ضیاء يك سودیگندن آگا کوتوریورم ديدم . وديگر جیمده بولنان بانقك چك دفترینی چیقاروب ارانه ایله - بونك سزمتعلق یوقدر ، بناء علیه تسلیمه حاجت کورمدم . ديدم ایسه ده افندی . هر نه ملاحظیه و ده طوغریسی هر نه ملاحظه سزافه مبنی ایسه - شمديك آتی ده تسلیم بیورك . اگر ناظر پاشا حضرتلری تنسیب بیوررلر سه اعاده ایدرز . دیدیلر . بونك اوزرینه ، یاره جزدانمی ده ایسترمیسگزر ؟ ديدم . خیر جوابی ویردیلر . فقط بو آلمق استدیگگزر دفترده بنم یاره چکجه مک انختاری دیمکر . آنکله نه ایشگزر وار ؟ مأمور تحریسی اولدیگگزر خصوصه بنم مقدار یسارمی تحقیق ده می داخلدر - ديدم . ینه برتبسم غریب ایله - مراق بیورمیک . جزودانگزله برابر اعاده ایلرز . دیدی . بو دقیقه دن اعتبار آ تا مقری کوی استاسیونه قدر کنديسیله هیچ بر سوز تعاطی ایتمدم . او . متصل هر استاسیونده کنديسی هم کوسترمک ، هم کوسترمک فکريله خافانه و محترزانه باشنی طیشاری چیقاربور و غالباً افراد ضابطه دن بعض بکلدکلرینی آراپور ایدی .

بن متصل سیغاره ایچچورددم . الڭ زیاده جانمی صقان جهت بو حالڭ اوغلمه  
ایده جگی تأثیر سقیمی ملاحظه ایدی . اوغلم بودرلو معامله لردن کرچه قطعاً خوف  
وتلاش کوسترمیه جڭ قدر ثنات قلبیه یی حائر و فطرهٔ بوکبی احوالی اگلجه عد  
ایده جڭ مرتبه لرده فئورسز ایسه ده آقشام وقتی تام کیفمزله یمک بیه جگمز زمان  
آرده بویله برمودی حاصل اولمسنی ده خوش کورمیه جڭ قدر تیتز اولدیقتدن  
وعصبی اولان بوحالی خسته لکندن ری دها زیاده آرمش اولمسه بیه حضور عالمه یی  
اخلال ایده جڭ اولان بوحالدن بالطبع جانی صقیله جق ایدی .

قطار مقری کوبه واصل اولدینی زمان باشمی طیشاری به چیقاروب ضیایی  
آرادم . کندینی کورمه مدیگمدن تلغراف موصللرندن برینه صوردم . اوراده  
بولدینی جوانی آلجه . بزم قومیا رمانه کوندرمسنی سوبلدم . براز صکره گلدی .  
بو آراق بولیس مدیری افندی ده مقری کوی استاسیون قومیسرینه فلان وفلانڭ  
طوغربدن طوغری به نظارتہ گتملرینی وفلان وفلانہ دخی استنبوط گله جڭ اولورسه  
عودت ایتدیرملرینی اخطار ایتمسنی امر ایدبوردی . ضیا قارشیمده اوتوران  
آدمڭ کیم اولدینی اشارتله سؤال ایتمی اوزرینه - افندی بولیس مدیری در ؟  
برلکده اوه گیدبورز . اوراقی تحری به مأمور اولمشلر . جمله سیله . صفت  
مأموریتنی سوبلدم . قطعاً وظیفه ایتدیگنی ( پوف ... ) دبدکن صکره دوداقلرینی  
بوکسه سیله افهام ایلدی . فقط کندیسنه - فرانمزجه سوبلامسنی ده - ترکیه  
اخطار ایلدم .

( مابعدی کله جڭ نسخه ده )

ابوالضیا

